


Exitoso Tertulia na honor di Lio Booi y Luis Daal

ORANJESTAD (AAN): Diasabra anochi na Biblioteca Nacional Aruba, a tuma lugar un Tertulia sumamente anima na honor di dos persona.

Ta asina cu durante 2019, Fundacion Lanta Papiamento a haci un trabao grandi y a organiza diferente evento den e 12 lunanan cu a pasa.

E eventonan tin como meta pa concientiza pueblo riba e balor di Papiamento, y ta haci esey den forma di charla, feria, y internamente tambe a traha duro na conocemento di e idioma.

Den fin di siman, pa di dos biaha ta organiza un Tertulia pa clausura aña. Segun Joyce Pereira, e biaha aki a haci'e mas grandi como cu a honra dos hende hopi grandi den literatura, esta Hubert 'Lio' Booi di Aruba/Bonaire, y tambe Luis Daal di Curacao. Tur dos a haci masha hopi trabao pa hisa e nivel di Papiamento y



tambe Literatura. Ambos lo a cumpli 100 aña durante e aña aki.

A honra nan dos cu e Tertulia, y ambos persona a haya un seccion den e programa. A cuminza prome cu musica y honor na Lio Booi, y

posteriormente a sigui cu Luis Daal. DIARIO a nota presencia di Ministro di Educacion, Rudy Lampe tambe presente.

Na final a honra como 20 autor na Aruba cu a publica buki e aña aki. Esey tambe ta algo cu e isla mester

ta hopi agradecido, sigui apoya pa nan sigui publica. Tin di stimula y aprecia cu nan ta hinca tur nan tempo liber pa skirbi buki, tanto pa mucha y hende grandi, tanto poesia como tambe proza y obra cientifico y mas.

Nan a pone un cashi cu tur buki aden pa asina publico por a mira nan. E anochi ey tambe tabatin autor cu a ofrece buki na benta.

Aña pasa a haci e Tertulia pa prome biaha, y awor na 2019 a haci esey mas grandi.